

山之重於是稽天神於上激地祇於下龜筮告吉揆日興功鑿鑿
施纔其山自坼未經數日裂圯轉開再禱焚香飛沙時起於初夜
分欵爾崩騰驚駭一川發聲雷震豁開青壁崖如削成此則十力
化造八部冥資感而遂通助成積善是用宏開虛洞三載功充廓
落精華正當顯敞龕內素釋迦牟尼像并事從一鋪四壁圖諸經
變相一十六鋪參羅萬象表化迹之多門攝相歸真惣三身而無
異方丈室內化盡十方一窟之中宛然三界簷飛五采動戶迎風
碧澗清流森林道樹榆楊慶設齋會無遮剃度僧尼傳燈鹿苑七
瓊布施果獲三堅十善聿修圓成五福又見龍興大寺